



SIUMUT

INATSISARTUNI ILAASORTAATITAT / LANDSTINGSGRUPPEN

12. august 2011

UPA 2012/27
UKA 2011/122

Inatsisartut Suleriaasianni § 36 naapertorlugu apeqquteqaat aallaavigalugu oqallinnissamik siunnersuut imattoq matumuuna saqqummiuppara:

Nuna tamakkerlugu utoqqaat illuisa nutaanngilisimaqisut ullutsinnut naleqqussarlugit aaqqissuunneqarnissaannik pilersaarusiornissaq pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq, Ruth Heilmann Siumut)

Tunngavilersuut:

Sinerissami utoqqarnut atugassarititaasut utoqqaat illuiniittut eqqarsaatigalugit atugaat ingammillu najugaqtitaanerat pitsaassutsikkut assigiinngissitaortorujussuusut inatsisartut angalasarnitsinni alakkarterigaangatta maluginiakkatsinnut ilaasarpooq.

Sinerissami utoqqaat illui ilaqpurtut nutaanngilisimaqisunik aammalu inikilliuttoqarnera annertusiartuinnartoq maluginiagassavoq, asserssuutigalugu Aasianni, Ilulissani, Narsami Paamiunilu.

Meeqquerivitsialammik piorsaaneq aallartisarneqarlunilu ingerlanneqalersoq iluarismaarneqarpoq, tassani aamma sulisut soorlu perorsaasut ilinniartitaanerat aamma aallunneqarnerulersoq malunniusimammatt.

Utoqqaat illuini sulisut ilinniarsimasut amerlanerulernissaannik siunertaqartumik tassunga assingusumik ingerlatsoqarsinnaavooq, tamanna pisariaqarmat, taamaalilluni sulisut aalaatsut siunissami pissarsiarineqarsinnaalissammata.

Ilangullugu eqqartugassaqqissoq tassa nunaqarfinni utoqqaat qanoq eqqarsaatersuuteqarfingineqarnerpat? Qanoq najugaqtinnejqarpat? ilami soqutiginarpoq pissutsit tamakkua tamarmik killiffissiorissaat qulaajaaffigineqarnissaallu.

Utoqqaat illuaniittut susassaqartitaasarnerat qanoq aallunneqartigaa? ukisiuaannannginnissaat anguniarlugu suut ingerlanneqartarp? Suummi taava aamma ingerlanneqarsinnaagaluarpat? minnerunngitsumillu utoqqaat najugaqtartut nammineerlutik sutigut suleqataasinnaanerpat? Sutigut suleqataasinnaanerat qanoq aaqqissuussiffingeqartarpa aamma aaqqissuussiffingeqarsinnavaa?

Ilami suliissaq pisariaqarlunilu soqutiginarluinnarpoq, aammalu kommuninik aaqqissuuseq-qissimaneq ilutigalugu, KaNuKoKa Utoqqaat nipaat attuumassuteqartullu suleqatigalugit soorlu utoqqaat illuini ningiut immikkullu ilisimasallit msilittagaqartullu peqatigalugit suliap piviusunngortinnejqarnissaat pisariaqartoq isumaqarpunga.

- Utoqqaat illuini malittarisassat nunatsinnut tulluussakkat pilersinnissaat.
- Ineqartoq qitiutillugu paaqqutarineqarnissaanut malitassat pilersinneqarnissaat.
- Ineqartup aalajangersimasumik saaffigisaqartarnissaanik pilersitsisoqartassasoq (kontaktperson), taamaattumik sulisut aalaajaatsuussasut.
- Sulisut ataavartumik pikkorissarneqartarnissaasa eqquumaffigineqarnissaat, taamaalluni suliffeqarfik ineriertortoq aammalu suliartorfigissallugu kajuminnartoq pilissammat.
- Ulloq unnuarlu suliffiummat soorluttaaq sapaatip akunnerisa naanerini suliffiusoq taamaattumik akisussaaffinnik agguataarilluarnissaq qulakkeerneqaertariaqarpoq. Paaqqutarineqartut nakkutigineqarluartarnissaat, naligiinnerunissaannillu pisariaqartitsinerat aallaaviutillugu, utoqqalineq nuannersoq toqqisisimaffiusorlu aamma nunatsinni qulakkeerneqaqqullugu.